

五無間獄（大經解第196集講義）

◎五無間獄 《三藏法數》——（出地藏經）

五無間獄者，謂法界有情眾生，隨所造業，受此苦報，無間斷也。

一、趣果無間，趣即向也，謂諸有情，不問男子、女人、老、幼、貴、賤及天、龍、神、鬼，罪業所感，悉同受之，故名趣果無間。

二、受苦無間，謂諸有情，於劍樹刀山，鑊湯鑪炭，洋銅鐵汁，備受諸苦，無有休歇，故名受苦無間。

三、時無間，謂諸有情，墮此地獄，歷劫受罪，無時間歇，故名時無間。

四、命無間，謂諸有情，墮此地獄，從初入時，至百千萬劫，一日一夜，萬死萬生，受苦無間，故名命無間。

五、形無間，謂此地獄，縱廣八萬由旬，一切有情，於中受苦，一人亦滿，多人亦滿，故名形無間。（梵語由旬，華言限量。）